

也蓋非無所本云

南陽書院記

工部侍郎

李元振 柘城人

上虞青巖朱公以庚午冬來守南陽首闢書院於府治之左既成請於撫軍大中丞閻公因額曰南陽書院一時四方來學者多至數百人疏米薪水無不周給然咸出公水蘖之餘不以一毫累里閭又爲選梓制義左國史漢唐宋八大家之文振起頽靡示以正鵠繼此又從事濂溪康節明道伊川橫渠魯齋敬軒諸大儒之書分章斷句附以箋註蓋規模宏敞條約嚴整南陽書院蔚

乎稱大觀於乎公之用心可謂勤矣夫書院之設與學校相爲表裏而又以補助其不及所以自宋以來有天下國家者無不共重於斯焉學校之士必出乎學使者之所甄拔蓋皆其已隸於庠序者而又有府州縣之別士不得踰越而入焉若書院則凡九州四海之士與夫嗜古積學不求榮達者無不與也學校之治士子任擇一經而共治四書大比之歲以三場之法試之若書院則凡談道講藝著書立說研究乎天人性命之理者業無分仕隱咸得優游於其中焉蓋先王之治天下也其

鳳凰學宮而廣闢其途者無不詳且盡矣自虞夏
商周四代之興國有學州有序黨有庠家有塾以及委
巷窮簷桑麻森蔚之區無不抗墜疾徐颯颯乎有吟誦
之聲下逮有宋因五代民間之義塾賜額賜田頒發經
書白鹿應天嵩陽嶽麓四大書院之名始巍然並峙於
天下傳爲千秋盛事斯固非無所爲而云然也恭逢
聖天子表章先賢親灑宸翰凡講學之地咸飭有司力爲
整治文教之興時稱極盛則今日南陽書院固青巖公
所以本先王之遺法而又仰體

重崇儒重道之意而宣布其流者也豈不與學校稱並
重哉嘗見公於政事之暇必親詣書院其訓諸生曰誦
詩讀書非徒爲工詞章計也蓋將以復性正心治其根
本康乎異日身登仕版抒爲經濟能挽偷薄之習而歸
於淳朴今聖籍所載三年九年小成大成古人爲學之
方燦然備具蓋本至誠以力行之乎小子勉旃公之所
訓爲教於南陽者其大旨如此按南陽西通武關鄖關
東接漢江淮宛稱都會俗雜好事業任俠多賈然於
古昔固所稱真人之居也夏人政尚朴忠猶有先王之

道遠矣。雖得公以爲大父母。既養且教學。道愛人。之
可。使南陽人心風俗。變變乎。漸復於古昔也。予於公
之設施。知之最悉。因應十二屬士子之請。爲發明書院
之深。有補助於學校。而尤喜公之不鄙其民。能本古法
以治之。不辭不文。大書而納於貞珉。蓋用以告夫天下
後世云。

南陽書院學規序

督學

張潤民

夏鑒

今之學者。與古之學者。異。非學有古今。其所由學者。根
柢殊轍。故學術亦異。古之學者。以道。今之學者。以文。古

之學者身心性命今之學者功名富貴相習成風江河
日下世道人心莫知砥柱其弊始於上之倡導不先而
下之率循不謹則敦崇教化非還醇復古之首務與我
聖祖章皇帝重道崇儒戊戌會試

經定天命謂性章題校貢士我

皇上紹統兩幸闕里

聖學經序文刊刻十三經頒行天下學宮飭各省督撫
聖憲示府州縣廣立義學

諭旨六條布俾愚賤咸能通曉猗與休哉教化之盛

未有過于我

朝者也辛未三月余恭膺

命視學中州深憫人心不古俗學侵淫蔽錮達者以奔
競聲氣爲能初學以剽竄僥倖爲事絺章繪句掠影捕
風毫無實得思一革頹風丕變士習焚香矢神下車後
卽檄各郡州縣暨教官與多士講孝經小學每月逢二
六日與父老子弟鮮

諭十六條兢兢凜凜以躬身復古爲務余夙心也試至
南陽郡守朱君以南陽書院學規爲襄城李君所著而

李君爲郡守朱君延聘以課南陽子弟者也聞李君沉
潛篤詣理學名儒與耿逸庵冉永光稱中州三先生披
玩其編如體要實地關頭功程歸宿及讀書次第深得
程朱許薛正宗暨閱先後告文語畧稔其立志超拔證
道于我鄉魏庸齋先生其淵源有自來矣殆所謂古之
學者與中州自羲皇開天程邵踵出南陽又爲中州名
郡城西臥龍岡傳武侯讀書躬耕處多士幸生其鄉能
無聞風興起第巡歷以來竊慮同道之孤將伯無助
郡守朱君力行課士復敬延李君爲南陽弟子師倡導

古克重戒虛徒潛心根柢追仿古人不徒事文辭訓
務庶幾人心歸正世道昌隆我
爲理學教化之盛直接河洛程邵之統也厥功不亦偉
哉予深儀李君爲古之學者而又有感于郡守朱君之
能相與以有成也爰題數行于簡端

南陽書院講學紀事

徐永芝

嘗聞山右禹京張公敬齋讀書不泥章句學以身沁性
命爲歸其爲文力追史遷公穀不屑屑循時下蹊徑生
平爲人澹泊寡欲不營生產舉康熙丙午鄉薦登丁未

進士授中書三遷爲郎官爵位日崇布衣蔬飯有豚肩
不搗豆妾不衣帛馬不食粟風今年辛未

人提督中州學政却平謁杜私門蒞任之始盟誓神明
齊雲才爲樂阿年士氣試歷宛南適襄城禮山李夫

子講學南陽書院公從聞夫子名試事畢詣書院拜李

夫子學師事焉公曰先生當世名儒今爲太守青巖

公所屈之是助余學政所不及也予不佞誤膺

命司衡文之責揚聖教代天作人先生代予而教

也敢不拜成拜至講堂命諸生進講諸生首述禮
記夫子論語學而時習之全章疏義首云學字須從性
字體勘公躍然喜曰學非誦讀了事窮理格物所以知
性道德修行所以復性開仁便道著性字先生之學先
至之教真確有根據復命講西銘太極二章諸生復述
西山夫子疏義公爲首肯者久之又爲之發明曰
學者正須於西銘認取仁字於太極認取性字仁本性
理性具仁體非是二物盡性不外盡仁盡仁實以盡性
二子之說蓋互相發明已而進歲入書院童子周其昌

等十七人於前而命之曰人生德業端在蒙發汝輩年
方齒齡始掇芹藻磨礪之日方長進修之功無旣洛學
薪傳盡在中州桑梓遺老口傳手授確有源流須仔細
討論方今李先生正得真諦汝輩無徒求之言語文字
間語然動靜莫非妙道精義體認日久自有領會吾讀
先生爲學次序一書首列立志存心窮理集義繼以入
學出弟謹言慎行懲忿窒慾遷善改過諸論而終之以
盡性至命希聖達天知先生之學無非存誠主敬真能
紹伊洛之學者矣又云先生嘗證道於吾鄉司農庸齋

魏先生其送近微正先生詩云憑將不負蒼冥意
行藏報澗阿檢點金影對越上帝希聖達天不外養
存心此切實之學匪同虛譚小子勉旃語畢復以

論十六條及所著約言士範諸書等詳開諭將別語
山先生曰恭靖先公嘗摘取程朱許薛五子書名曰
要創纂紫雲書院於成化十五年賜額厥後肖雲先生
復著省身錄於此天下名士多出其門予生不同時心
切景慕非一日矣今復得先生守其舊廬紹明家學不
但爲公靖賢孫抑將擴義皇洛閩許薛之統而爲吾道

傳人也予不佞願勉爲之序嗟呼世之相交者以位
以利而已張大宗師位居風憲手司文衡爲吾豫師宗
而必先枉駕書院加禮於吾禮山夫子且爲序其諸系
表其家學何諄切乃爾耶吾禮山夫子於都門不求一
向於南陽不通一函達於避利嚴於持身以世情論之
未有不疑其不相合者不知一段精神默默相契卽在
此張大宗師之學道學也禮山夫子之學道學也以
道相接以學相印性命貫通融於水乳又何疑焉

永芝

書院耳聆其言目觀其事欲誌其盛特愧不文云

重建節義祠記

知府朱

孫人

祠以節義名示勸也節義者烈士夫之行而婦人女子
能爲之則其祠之也固宜祠建於故明成化間今廢
祠廢而名存尚有舊址可考恐既久而并其名亦忘之
將何以示勸此余復建斯祠之意也爰考祠制正祀唐
大任以敬姜孟母配而節婦高氏范氏郭氏從祀焉余
惟大任文王之母周有天下祭於宗廟非後世郡邑所
得而祀且無遺蹟在宛非光武昭烈廟祀可比今撤大
任祀位蓋以尊國母示不敢瀆也敬姜歸公孫氏孟母

歸孟孫氏同出魯桓後其世系同其節同其教子之義
方同室正位並祀矣顧史傳所載節義不僅於二母著
而二母當不僅以節義稱似於斯祠未盡合也及祠告
成適閱冊府諸書載光武感姊元沒於亂兵追封節義
公主立廟於南陽縣西其卽斯祠也信然矣前者承久
廢之後而莫詳所由遂祀文母而以二母配余又未敢
輕議而仍以二母祀今二母之主不便再撤爰進公主
而並祀之昭舊制也有正祀不可無配享余於郡志列
女中得二人焉一爲荀氏名采陰瑜妻一爲張氏中丞

公巡之姊軍中稱陸家姑皆南陽郡人此二人者不
心於生死不苟免於患難以之配享雖生不同時而
爽憑依必有曠百世而相感者至如三節婦未詳何
人無事實可考然已從祀于二百餘年之前其高風
行自足不朽迨後閱百年之久而僅得毛氏王氏蘇
三人又明末殉節於流寇者熊氏周氏曹氏徐氏四
爾諸鄉之父老子弟咸能言其事嗣有節義繼起者
為限制皆得在從祀之列所以勵風化也抑余更有
為節義之婦秉正性死正命其魂魄嚴毅真偽不容